

LIST S. JAPOŠTOŁA PAWOŁA NA HEBREJSKICH.

STAW I.

Stary zakon, přez jandželow daty, je přewyšeny přez nowy, přez Khrystusa daty, wo telko, wo kelkož je Khrystus dostojniši, dyžli jandželowje, kotrychž po spočatku, knježstwje, mocy a česći přesaha.

Wjelekróc a wšelako je Bóh něhdy k wóteam řečal přez profetow, a najposledy*

2. We tutych dnjach je k nam řečal přez Syna, kotrehož postaji jako herbu wšoho,* přez kotrehož tež swět stwori;

3. Kotryž, dokelž je wotblyšć jeho krasnosće a podobnosće jeho byća* a njese wšitko ze slowom swojeje mocy,** hdyž je wučisćenje hrěchow dokonjal, sedzi na prawicy majestosće we wysokosćach,

4. **W**o telko wyšši, dyžli jandželowje

sčinjeny, wo kelkož wosebniše mjeno je před nimi herbowal.*

5. Přetož kotremu z jandželow* rjekny wón hdy: „Mój Syn sy ty, džensa sym ja ée splodzil?“ a zaso: „Ja budu jemu wóte a wón budže mi syn.“**

Ps. 2, 7; 2. Kral. 7, 14.

6. A zaso, hdyž přenjordženeho do swěta wjedže, praji: „A k njemu njech so modla wšitey jandželowje Boži.“*

Psalm 96, 7.

7. A wo jandželach drje praji: „Kotryž čini svojich jandželow jako wětry a svojich služownikow jako plomjenja wohnja.“*

Ps. 103, 4.

8. K Synej pak (praji): „Twój trón, Božo, (je) wěki na wěki, sceptař sprawnosće je sceptař twojeho kralestwa.* Ps. 44, 7.

I. 1. Hnydom při spočatku (r. 1—3) wuzběhuje so hłowne woprijeće lista, kotryž chce přednosć noweho zakonja před starym dopokazać a z tym Židow, kotřiž běchu křesćanstwo přijeli, we wěrje wobkrućić. Srjedzićerjo stareho zakonja běchu jandželowje a Mójzes, noweho pak Khrystus. Zjewjenja stareho zakonja běchu 1) wjelekróčne, dokelž so jeno po něčim, po kruchach stawachu; zjewjenja noweho zakonja pak wopowědowachu cylu wěrnosće přez jenohe wučerja, přez Syna Božeho. Zjewjenja stareho zakonja stawachu so 2) ze wšelakimi srědkami, n. př. ze sonami, z widženjemi, z řečemi atd.; zjewjenja noweho zakonja ze žiwym slowom, a ze spodziwnymi skutkami Syna Božeho, wěčneje wěrnosće sameje; prjedy řečeše Knjez přez profetow, nětko pak přez Syna, jemu po byću a krasnosći runehe. — 2. Syna, kotryž bě po bóžskim byću wot wěčnosće knjez wšoho, přez kotrehož je swět stworiť, sčini Bóh tež po jeho čłowjeskim byću knjeza wšoho swěta, a powyši jeho na swoju prawicu, dokelž je swět tež wumóžil. — 3. t. r. Syn je Wóteč w byću a krasnosći cyle runja. ** Syn džerži cyle swět ze slowom, z kotrymž swoju móc pokazuje, abo ze swojej wšohomocu. — 4. Po zdaću bě Khrystus, hdyž wočłowječi, pod jandželow so ponižił, ale dokelž bě w tom njebjeskemu Wóteč poslušny hač k smjerći na křižu, je jeho Wóteč tež po čłowjeskim byću powyšił nad wšitke druhe stworjenja, tež nad jandželow; tež jako čłowjek je Khrystus mjeno „Syn“ herbowal a je wěrný Syn Boži, nic jako jandželowje abo čłowjekowje, kotřiž tež džěci Bože rěkaju, t. r. jeno jako z hnady přiwzate. — 5. W lisće wuzběhuje so nětko wysoka přednosć wumóžnika Jězusa Khrystusa nad jandželowje, přez kotrychž je stary zakon založený (Gal. 3, 19.); a sudži so z toho, zo dyrbi tež nowy zakon, wot Jězusa založený, wjele wosebniši być, dyžli stary. Tajku wysoku přednosć wučí hižo stary zakon, kotryž Khrystusa na mnohich městnach Syna Božeho mjenuje, a jemu tohodla wosebnišu hódnosć a wyššu móc připisuje, dyžli jandželam. ** Slowa druhého psalma plaća drje najprjedy Davidej, kiž bu přez žalbowanje za syna Božeho přijaty, ale tež a wosebje tomu, kotrehož předznamjo David bě, Khrystusej, wěrnemu Synej Božemu; „džensa“, t. j. džěń, na kotrymž Khrystus tež jako čłowjek wšě prawa Syna Božeho dósta, je džěń jeho do-njebjas-pěća. — 6. Psalm 96 wopisuje sudny džěń, na kotrymž, hdyž Jězus jako Bóhčłowjek přińdže, „zo by sudžił žiwych a mrtwych“, w bóžskej mocy a majestosći, póslany wot Wótea, budža so k Synej modlić wšitey jandželowje; tohodla je wón njeskónčnje wyšši, dyžli jandželowje. — 7. Jandželowje su jeno služownicy Boži, haj služba jemu podobnje, jakož nježiwe wěcy, wětry a woheń, mjez tym zo je Syn wěčný knježer. — 8. Ps. 44 wopisuje wumóžnika jako krala, jeho krasnosć a wutrobitosć, jeho dobyćerske wojowanje za wěrnosć a swjatu lubosć. Khrystus mjenuje so tu Bóh, wěčný knježer, w jeho kra-